

Powšitkowne WOZJEWJENJA

njedźelu, 7. decembra 2025

Přiležnosć k swjatej spowědži w Róžeńće

sobotu, 13. decembra 17.00 – 18.00 hodź.	farar M. Anders, kanonik Š. Delan farar B. Jakubaš, farar M. Kocner
póndźelu, 15. decembra 17.00 – 18.00 hodź.	farar M. Anders, kanonik Š. Delan farar G. Nawka, farar dr. M. Kleiner
wutoru, 16. decembra 18.30 – 19.30 hodź.	farar M. Anders, farar M. Nawka farar G. Wornar, pater dr. J. Müller
sobotu, 20. decembra 7.30 – 7.55 hodź. a po Božej mši 17.00 – 18.00 hodź.	farar M. Nawka, kanonik Š. Delan farar B. Jakubaš farar M. Anders, kanonik Š. Delan, kapłan P. Mróz, farar B. Jakubaš

Kóždy sobotu je do Božej mše za lud a kraj, kotraž so we 8.00 hodź. zahaji, přiležnosć k swjatej spowědži.

Po sobotomaj, 27. decembra kaž tež 3. januara njebudže w Róžeńće w 17.00 hodź. přiležnosć k swjatej spowědži.

Adwentnička serbskeje dekanatneje młodžiny

Adwentnička serbskich młodostnych je druha adwentnu njedźelu, 7. decembra, w Pančicach-Kukowje. Započatk je w 14.00 hodź. z nyšporom w cyrkwi, kotryž wuhotuje chór 1. serbskeje kulturneje brigady. Po nyšporje přizamknu so zhromadna swačina, hry, paslenje a rozmołwa na tamnišej wikariji.

Serbska pišćelowa hudźba

We wobłuku adwentneho hudźbného rjadu „Pišće k non“ Budyskeje tachantskeje wosa-
dy hraje druha adwentnu njedźelu, 7. decembra, w 15.00 hodź. z Baćonja pochodzacy
organist Tomaš Žur na pišćelach w cyrkwi Našeje lubeje Knjenje. Přizamknjetej so swa-
čina a bjesada w rumnosći swjateho Bena w domje Carity pódla cyrkwy. Z hosćom
třeću adwentnu njedźelu. 14. decembra, budže Stefan Kießling z Lipska. Wón hraje
w 15.00 hodź. na pišćelach w tachantskej cyrkwi swjateho Pětra.

Kemše w Róžeńće

Na swjedženju Marije bjezhřešneho podjeća, póndźelu, 8. decembra, w 9.00 hodź. budže
Boža mša w Róžeńčanskej putniskej cyrkwi. Wšitcy wěriwi su wutrobnje přeprošeni.

1. serbska kulturna brigada koncertuje

Chór 1. serbskeje kulturneje brigady kaž tež Serbska komorna filharmonija Serbskeho
ludowego ansambla wuhotuja tradicionelny adwentny koncert sobotu, 13. hodownika,
w 17.00 hodź. w Budyskej Marje-Marcínej cyrkwi. Cyłkowny nawod změje Judith Kubicec.
Zastup budže darmotny, proša pak na kóncu wo dar za financowanje koncerta.

Kulturna zyma w putniskej hospodze

We wobłuku kulturneje zymy w putniskej hospodze Moniki Gerdesoweje w Chrósćicach přednošuje sobotu, 13. decembra, w 19.45 hodź. Hilžbjeta Pöpelec wo swojich dožiwjenjach po Jakubowym puću w Portugalskej. Hižo w 16.00 hodź. su wšitke džěci na serbske kino přeprošeni.

Kreatiwna džěłarnička za šulerjow 6. do 8. lětnika

Dekanatne dušepastyrstwo za džěci přeprošuje šulerjow 6. do 8. lětnika na kreatiwnu džěłarničku do Don Boskoweho domu we Worklecach, kotraž budže sobotu 13. decembra. Wobdžělić móža so zajimcy pak wot 9.00 do 11.30 hodź. abo wot 12.30 do 15.00 hodź. Přizjewjenja přijimuju online hač do póndžele, 8. decembra. Za to nańdu link pod www.posol.de. Swójski přinošk wučinja džesać eurow.

Adwentne wiki w klóštrje

Na adwentne wiki su wopytwarjo sobotu, 13. decembra, wot 10.00 do 18.00 hodź. do klóštra Marijineje hwězdy prošeni. Mjez druhim poskića klóšterske likery, sele a woli, Ochranowske hwězdy, keramiku kaž tež plećene a pjelsćowane produkty. Hižo wot 9.00 hodź. předawaja na klóšterskim dworje hodowne štomy z klóšterskeho lěsa. W 15.30 hodź. wustupi chór zakładneje šule w Pančicach-Kukowje. Zdobom klóšter na to skedźbnja, zo wostanje tamniši wobchod pjatk, 2. januara, inwentury dla zawrjeny.

TCM přeprošuje na wulět do Bayerskeho lěsa

Sekcija wěda a skutk Towarstwa Cyrila a Metoda z.t. (TCM) přewjedže klětu wot njedžele, 30. awgusta, do pjatka, 4. septembra, wulět do Haibacha w nižobayerskim wokrjesu Straubing-Bogen. Wottam wopyta skupina wjacore městna w Bayerskim lěsu, mjez druhim Kelheim, klóšter Weltenburg, Straubing, putniku cyrkej Bogenberg, Bad Kötzing a horu Wulki Arber. Zajimcy měli so hač do póndžele, 12. januara, pak online přez eveno (link je pod www.posol.de wozjewjeny) abo w redakciji Katolskeho Posoła, telefonowe čisło (0 35 91) 55 02 10 přizjewić. Zdobom měli hakle w januaru 200,00 eurow na konto TCM napłaćić: Cyrill-Methodius-Verein e.V., IBAN: DE65 7509 0300 0008 2823 66, hesło: „Bayerska“. Dale měli zawěšćenje w padže njenastupa jězby (Reiserücktrittsversicherung) wotzamknýć. Štóž ma k tomu prašenja, njech wobroći so na Jurja Špitanka w Zejicach, telefonowe čisło (03 57 96) 9 63 47.

Pytaja přewodnika kaž tež fachoweho hladarja

Hladarnja swjateje Moniki w Kamjencu poskićuje džěłowej městnje fachoweho hladarja kaž tež přewodnika we wšědnym žiwjenju (Alltagsbegleiter) z wotzamknjenym certifikatom. Wobě městnje móžetej so 1. januara wobsadzić. Džěłowy čas wučinja stajnje 30 do 35 hodźin. Požadanja přijimuje nawodnica Andrea Špitankowa z mejlku na andrea.spittank@malteser.org.

